

春在堂金書

第三函
十二冊

乙巳編

春在堂詩編二十二

德清俞樾

乙巳元旦

今歲行年八十五屠蘇飲罷自三思神仙世外陶宏景
富貴人間郭子儀二公皆八十五而卒尚且壽難逾此數況吾病
已歷多時茫茫後事無須問坐擁_粃盆一賦詩

元旦立春

東郊景物一番新斗柄今朝乍指寅莫道百年難得遇

老夫三遇歲朝春

道光九年光緒十
二年均元旦立春

最是難忘第一回道光已丑我猶孩流風遺俗般般好

還自乾隆嘉慶來

八十五歲放歌

大富貴亦壽考天孫織女親爲汾陽告于今傳習爲美
談僉曰善頌又善禱豈知二語有軒輊世人鹵莽未探
討大之一言深許之大富大貴無愧詞二十四考中書
令天子之尊薄之而不爲亦之一言未深許汾陽壽止
八十五天孫視此八十五歲人何異蜉蝣與蟪蛄壽考
姑從世俗言是亦唐朝一尙父未足上比召康公聊可
追隨太公呂富貴曰大壽曰亦是謂名與實不與天孫
有知定首肯此子得吾語外語重爲告曰富貴壽考人

情同魚熊難兼吾取熊世閒竟有大富大貴者爵三公
祿萬鍾惟此亦字不能加其躬吾雖貧賤至沒齒要是
江南之老而非渭北童天之予我良亦豐老夫得此亦
足雄亦字之義妙無窮吾將自署亦壽翁皕亭居士閒
而笑戲將成語一顛倒大壽考而亦富貴謂此方與曲
園肖曲園不受亦不辭吾固不富不貧不貴不賤不壽
亦不夭

次韻子原出郭迎春

太守班春豫勸耕不辭東郭遠承迎笙歌未買新年樂
鼓角先占元旦晴四境和風諧玉律三杯仙露醉金莖

更看丹鳳銜書至膝下佳兒喜策名

外孫引之奏保道員加二品銜

子原疊前韻有歸耕之意詩以勉之

味君詩意欲歸耕冠蓋遙知倦送迎但念中興方有象
又逢元旦大開晴青雲高舉應千里白髮低垂未數莖
莫爲時艱灰壯志老夫洗耳聽清名

次韻許子頌大令元旦試筆

貞元朝士舊詞臣此日徒餘老病身講舍清談猶似昨

余與君共事詒經精舍有年

宦途幻夢本非眞青樽且醉新年酒白

髮欣逢正旦春愧我歲朝詩思颯不堪徵和到同人

余

元旦詩詞意衰
颯不勞賜和也

沈壽康先生百歲壽詩 名毓桂吳江人

威鳳祥麟不易逢人間真有百旬翁
百旬甲子從頭數 尙在 先朝嘉慶中是時海內方全盛文治昌明需術

正 國家功令重程朱師友淵源宗許鄭先生早博一

衿青暑夕寒宵雪與螢不屑溟中官別駕自甘吳下老
明經無端擾擾黃巾起十載干戈殊未已風移世變中

興年一卷檀弓皆物始先生壇坫自嶙峋杖履優游客

滬濱人謂貞元舊朝士自稱天寶一遺民白髮蒼顏扶

杖出方瞳炯炯仍如漆甲辰光緒三十年正值先生九

十七乾隆

恩例至今沿 計閩之例聞始于乾隆

計閩加爲一百

年試向天邊看明月已經千二百回圓疆吏封章援例
請龍樓鳳閣頒恩命芝誥榮加二品封儒冠紅掇
珊瑚頂一時賓從共趨蹌都向華堂進一觴冠蓋同趨
通德里屏風分寫壽人章賤子行年八十五自慙衰朽
已如許先生長我十三年精神豐饒鬚眉古靈光魯殿
總巍峩丹桂靈椿歲月多惟祝壽逾李八百光風霽月
儘婆娑

題黃尊古先生萬里長江圖

先生名鼎常熟人工畫王麓臺先生門下高第
康熙中奉敕繪長江圖此其副本也

聖祖命繪長江圖臣鼎奉

詔精描摹先從京口試染

翰金焦兩點江心麤北固主人猶揖讓

京口以金焦爲二客北固爲主

人筆鋒直掃黃天蕩燕子磯邊波浪高石頭城外風雲

壯眉黛方描大小姑雲中五老來相呼聯絡吳頭兼楚

尾標題水郭與山郭黃鶴樓頭一點筆淺黛濃青爭湧

出豪端綽約有餘妍兼爲洞庭繪秋色此後千山又萬

山瞿塘灩澦苦躋攀先生只是從容寫千里江陵一日

閒數載經營功告畢臣鼎封題呈

北闕副本流傳在

世間猶然摹寫窮豪髮先生本是畫中豪王麓臺門品

第高想見此圖恭進日丹青深荷

玉音褒巨卷牛腰

長數丈披圖猶見承平象估帆商舶總安閒蟹合漁莊
相掩映千古長江一戰場百年亦是小滄桑而今風景
如重寫來去輪船日夜忙

外孫壻李友鵬大令餽大鹿茸一架友鵬曾官甘肅
肅得於其地者也賦此謝之

天生神物補虛羸兩角居然各四歧仙客來從古關隴
佛家無此大伊尼山中乘坐應呼馬市上傳觀莫謾糜
八十五翁衰已甚感君持贈最相宜

蘧園七老圖

友鵬以其先祖眉生先生七老圖見示七老不署姓

名屬余辨別余亦不能盡識也題詩四首舉所知者

告之

當日流傳七老圖姓名年月竟皆無披圖一覽先相識

此是平齋老友吳

按圖自右而左第一人爲吳君平齋雖不甚肖有瘰可識也

數到蘇鄰第四人

蘇鄰乃先生自號

修頤廣頰好風神肩隨更

有怡園叟七老中間最逼真

第五人爲怡園主人顧君子山七老之中尤爲酷肖

養閒居士處圖終

謂潘君季玉

仿佛鬚眉想像中此外三人

難指實就中或有杜陵翁

第二人疑是杜君小舫面盤頗似但多鬚耳第二人或曰

勒君少仲第六人或曰彭君訥生

此會於今廿幾年摩娑病眼認難全願君博訪吳中老

莫使傳疑等七賢

唐人七賢過關圖亦無姓名迄莫能定

以光緒三十一年時憲書都城節氣一紙寄從孫

同奎於英吉利

重洋萬里賦西征客裏驚心歲月更欲爲家風存漢臘

恐無史筆紀周正

天朝頒朔知難徧

憲書止頒使館不能徧及

元

旦逢春料未迎寄汝憲書剛一紙好將節氣記分明

上海日報言曰俄兩國將停戰議和喜賦

楚秦構怨大興兵愁殺先生老宋輕兩國烽煙全局動

萬人性命一銖輕如聞玉帛仍修好能否金戈永息爭

垂死衰翁無所望但求四海其升平

元宵大雨雪僧竇於庭中放花爆爲樂

爲厭元宵雪意狂兒童奇策與爭強仙翁口內噴來火
進士頭邊放出光但覺銀花相掩映不勞玉戲大排當
天公若解從人願定許明朝見太陽

壬寅冬日西湖襍詩中有一首爲日本駐杭領事
大河君而作今春君聞而索觀因寫付之而繫以
詩

昔日西湖上相逢袂便分愧無小園賦可贈大河君歲
月如流水山川隔莫雲恩恩書此紙聊與寄殷勤

上海報館所刊時報日報附刻小說刺取成書偶

題其後

自從西法來中華滬上報館紛如麻雖喜耳目擴聞見
頗嫌口舌騰誼譁誰知附刻有平話亦復逐日登麻沙
沿習陶真宋時體依傍小說虞初家我衰且病百事棄
惟看閒書說閒事就中刺取使成書一日編排數百字
婦豈平添兩夜忙笑談各試并刀利書成付與老夫觀
無端感憤填胸臆我朝乾隆古黃虞 詔開四庫蒐遺
書一部永樂大典內采之擷之無留餘臣昉臣熊恭校
上縹囊緗帙陳 丹墀斯世斯人與斯事樂哉何異游
華胥嗟我生在百年後文采風流銷歇久文敏一死遂

無人請開四庫有誰某

王文敏公懿榮館

奏請開四庫

遂無議及者

遂令白髮老詞臣不采蘭蓀采稂莠他年唱向

趙家莊負鼓登場一盲叟

俞保歌

皤亭得孫取乳名曰俞保用余姓也戲爲俞保歌

有僧語歐公公固不信佛乃以僧名兒此則又何說公
言生子期長成若羊若馬若狗皆可名佛與眾生何重
輕吾非借佛爲光榮歐公此言堪絕倒先生名孫乃更
妙亦作貓兒犬子觀不名佛保名俞保俞錢姓氏本來
微當日曾爲梁武譏俞藥且使改姓喻俞保命名何所

觀吾非九真太守古循良以任名兒非所望設使流傳
至後世將疑考亭何以名沈郎竊謂梅聖俞名固然好
似與章法保字不相當不如仍用僧哥例詆諧妙語師
歐陽惟有一言願爲五童保功令小試有五童互保君孫定比吾
孫好異時勿作第三人桂林一枝高占蓬山春

正月二十五日僧寶入塾

聽事東偏隔一牆卅年安置讀書牀今朝姊弟新開館

曾孫女琳寶亦附讀初入塾俗謂之開館當日爺孃舊學堂孫兒陸雲孫婦仙娜先後於此

讀書婉孌七齡憐尙幼扶搖萬里望彌長待攜第二重孫

至記取金奎日最良

四月廿二日金奎甲子口擬命慶寶亦入塾破蒙

胡葆生庶常駿余孫典蜀試所得士也來見賦贈
子雲亭畔舊知名一日聲華滿鳳城詞館遙遙難論輩
蓬門寂寂幸分榮淵源浹洽應無閒出處商量倍有情
更感饒甜餽珍藥龍雷虛燄倘能平余患虛陽上升君
餽蒙桂云可引火

歸原

安徽之壽州四川之長壽縣各以其印一百作大
壽字謂之百壽圖皖學使紹岑學士蜀人胡葆生
庶常同時見贈爲賦此詩

吾浙西湖照膽臺舊有漢壽亭侯印

高宗臨幸親

留題長與湖山相輝映有人印作壽字形百印百壽無

破璽此由神物世所珍抑亦天章人共敬若徒義取
大吉祥何必遠求古漢晉纍纍印綬滿人閱尋常銅墨
亦殊勝安徽所屬有壽州州印刊敝文尙留四川屬有
長壽縣縣印四字甚明顯無端兩幅來聯翩每一幅中
百壽全壽州壽縣各一百并而爲兩陳我前印章端整
不巉互字畫曲屈相鈎連雖然不及漢壽古台爲三壽
奚愧焉惟念天下州縣名以壽名者多於福壽昌屬浙
壽甯閩永壽在秦仁壽蜀山東壽張西壽陽正定靈壽
隸輦轂若皆摹印使成圖并此可使成九幅再加漢
壽印爲十積百爲千意良足所嫌遼闊各封圻未得徧